

Ny Valosoa sy hadihady

Miala Rajoelina. (J- 91)

Nanambany ireo depiote nanasonia ny fitsipaham-pitokisana

Very hasina tanteraka ny Antenimierampirenena, izay Andrimpanjakana faharoa araka ny fitantanana ny firenena voafaritry ny Lalàmpanorenna. Ity fahefana ity tokoa no mandany ireo lalàna mifehy ny fanatanteraha ireo asa voarakitra ao amin'ireo Programam-panjakana (PGE), sy manome alàlana eo amin'ny fandaniana ireo fifanarahana arbola amin'ny Mpiara-miombon'Antoka ara-teknika sy ara-bola (PTF), ho fanatanteraha ireo tetikasa na fífidianana ary faneke na fandaniana ireo fanam-piana ny Firenena eo amin'ny sehatra maro samihafa. Efa niainan'ity fahefana mpanao lalàna ity ihany koa ny tsy firaharahan'ny fahefana mpanatanteraka azy, mifamotora ny andraikit'izy ireo, ka ny mpanaramaso sy mpanakiana ary mpanery amin'ny famitàna izay tsy tanteraka indray no miforitra eo anoloan'ny fahefana tokony ho feheziny. Hita amin'izao favoriana ara-potoana voalohany amin'ity taona ity izao, fa toa tsy ao amin'ny depiote intsony ny faharisihana hanatrika ny favoriana, satria tsy matratra ny ampahatelony foana no tonga. Azo heverina fa noho ny fahatsapan'ny ankamaroany fa tsy manana ilay fahefana sady tsy afaka misahana ny andraikitra napetraka taminy ireo mingitrika ireo. Ny mahavariana dia ireo depiote IRD maro an'isa no tsy tonga amin'ny favoriana, satria sorena tamin'ny fannbanian'ny filohan'ny Repoblika Andry Rajoelina, ireo nanao sonia ilay fitsipaham-pitokisana, ka tsy misy dikany sy tsy hanova na inona na inona eo amin'ny tsy firaharahan'ny azy na tonga mivory izy na tsia. Efa mikorontana ambony ambany ireo andrimpanjakana misy eto amintsika ankehitriny, soa ihany fa efa 91 andro (J- 91) sisa dia hiala amin'ny toerany ity filoha tsy mahay mitantam-pirenena, tsy mahalala izay tena ilain'ny vahoaka ity. Nandalo fanindroany teo amin'ny Antenimierampirenena ny Lalàna mifehy ny Harena an-kibon'ny Tany (Code Minier) nasian'ny Antenimierandoholona fanitsiana ary nolanian'ireo tonga nanatrika izany. Latsaky ny telopolo ny nan-dany izany lalàna izany kanefa dia tena fanaovana tsinontsinona ny vondrombaoko itsinjaram-pahefana nifidianan'ny vahoaka azy ireo ity lalàna ity, satria ny vola ho sitrahany dia tsy ahafahany hampandroso ny any an-toerana nivoahan'ny harena an-kibon'ny tany akory. Nikabary ny filohan'ny Repoblika Rajoelina Andry tamin'ny fitsidiham-paritra nataony tany Maroantsetra sy Mananara Avaratra, fa hape-traka any ny faritra faha-24 ary tapaka tao amin'ny filankevity ny minisitra, fa hanangana trano hiasana sy honenan'ny governora. Manaporofeo indray izany, fa ny filohan'ny Repoblika no sady fahefana mpanatanteraka no fahefana mpanao lalàna izay midika ho fanaovana tsinontsinona ny depiote ihany koa, sady

fanitsakitsahana ny lalampanorenana sy ny lalàna misy eto amin'ny firenena. Tsy governora tokoa no ao amin'ny lalampanorenana fa lehiben'ny faritra. Tsy mbola nisy tranga tahaka izay nisy tamin'ny andro tokony hihalonan'ny depiote sy ny governemanta farany teo, tao anatin'ny enimpolo taona, satria ny tokony hatahorana indray no natahotra nifanatrika, ka dia na-hemotra izany fanadaharam-potoana izany. Momba ny Tetibola hasiam-panitsiana (LFR) indray dia na-naiky ny depiote maro an'isa fa marina ny tenin'ny Praiministra fa tsy voatery hasiam-panitsiana ny Te-tibola Lasitra (LFI) na dia hitan'ny mpahay toekarena aza, fa betsaka ny fandaniana sy sora-bola tsy mifanaraka amin'ny zava-misy. Ireo tranga rehetra misy ao amin'ny Antenimierampirenena dia manaporofeo, fa fahefana malemy sy tsy mijoro ary tsy hentitra amin'ny andraikitra napetraka aminy ny Antenimierampirenena, ka izay no hahasahian'ny fahefana mpanatanteraka ho sahy manindry azy tahaka izao. Tsy sahin'ny filohan'ny Repoblika anefa ny mandrava ity Andrimpanjakana ity, kanefa dia zony tanteraka izany, satria tsy maintsy hatao alohan'ny fífidianana Filoham-pirenena ny fífidianana solombavamba-hoaka raha handrava izy, ka tsy banana ny maro an'isa intsony izy ary tsy maintsy ho mpanohitira no ho betsaka any amin'ny Faritra, ka tsy ho azo antoka ny fahalaniany. Na izany na tsy izany dia inoana, fa ireo depiote nanao sonia ilay Fitsipaham-pitokisana dia efa tsy hanohana an-dRajoelina Andry amin'ny fífidianana Filoham-pirenena. Mivory koa ny Sendikan'ny Mpampianatra Mpikaroka sy Mpikaroka Mpampianatra nanomboka ny alakamisy teo ary ni-farana omaly. Hentitra dia hentitra ny Filoha Nasionaly, fa tena tsy raharahan'izao fitondrana izao mihitsy ny Fampianarana Ambaratonga Ambony, satria misy ny tolo-dalàna naro-sony, mba hananan'ny Oniversite fizakantena (autonomie) kanefa tsy raharahan'ny fitondrana izany. Etsy an-kilany dia tsy nan-drav karama ireo mpampianatra an-tsélikia (vacataires) nandritra ny efatra taona kanefa dia izy ireo no miantoka ny fitoplo isan-jaton'ny fampianarana. Veliranon-dRajoelina Andry ny hanangana Oniversite isam-paritra, tsapa avy amin'ny toe-dara-haraha misy eny amin'ny Fampianarana Ambaratonga Ambony anefa, fa tsy laharam-pahamehana aminy ny fanabeazana ny taranaka malagasy satria ny azy sy ireo mpiaradia aminy dia any ampitan-dranomasina no mandranto fianarana. Fianarana raisina hiatrehana ny ho avy ny tranga rehetra eto amin'ny Firenena, ka izay niainana no hisafidianana izay ho tomponandrankitra mahay mitsinjo lavitra sy mahay mandanjalanja ny mety sy ny tsy mety.

Andry Tsiavalona

FANKALAZANA NY FETIM-PIRENENA

Hanadio tanàna ny Jeunes sy ny Femmes TIM Antsiranana

Amin'ny fiandrasana ny fankalazana ny fetim-pirenena amin'ny 26 jona izao, hanamarihana ny faha-63 taona niverenan'ny fahaleovanteznan'i Madagasikara, hanao hetsika sosialy ho fandiovana tanàna ny tanora sy ny vehivavy, na ny Jeunes sy ny Femmes TIM Antsiranana any amin'ny faritra Diana. Izany asa fandiovana izany dia hataon'izy ireo ao amin'ny Place Joffre sy Jardin place Musique ao Diego anio sabotsy 10 jona 2023. Tamin'ny 7 ora maraina no nanombohan'izany asa fandiovana izany, tao amin'ny Place Joffre. Izany no atao hoy ny tompon'andraikitra dia ho fandraisana andraikitra amin'ny fampandrosoana ny tanàna . Hofaranana amin'ny fia-rahana miala hetaheta ao amin'ny QG MAGRO Place Kabaro Antsiranana ny fotoana.

Niaina



Ny Place Joffre any Antsiranana.

facebook

NY VALOSOA VAOVAO
Gazety misheo intelo isan-korinandro (Tolata - Alahamisy - Sabotsy)

Filoha mampihomehy
Ataovy faritra faha-25 koa ireo Iles Eparses

Ezekiela Rasoloson : mampihomehy mihitsy ity filoha Rajoelina ity sy ny governemantany, distrika 2 ataony faritra Ambato-soa dia Maroantsetra sy Mananara Avaratra, nefà distrika maromaro tsy zarainy ho faritra izay.

Erson Manjaka : Tokony atambatra ho iray , dia lasa zaraina maro.

Yholy Rad : amin'ity Flou hiala afaka 3 volana itydia be wera-wera ihany ?Miaiky ah. Ary efa vita nga ilay RN13 tokony hoe tsy hanao politika tsony ngah Filou rah tsy vita io.

Zo Fotora Rakoto : Mangoro sy Alaotra koa zarao e.

Hars'handy Ratompu : otran'ny milalao rangah nareo. Tsy omena tsiny fa andron'ny tsikononkonona Zao , kizarazara, kialao.

Ndretsa Rakotoarisoa : raha misy ny faritra tokony ho zaraina dia tsy any mihitsy, fa misy faritra manana 9 district ary tena midadasika be izay tsy izy... Misy faritra hafa koa ao mila manitsaka faritra iray vao tonga any amin'ilay district iray ao aminy.

Herman Gérard Matangison : miandry koa ny faritra plateau Mahafale.

Samoela Ramanantsoa : faritra faha- 25 mba ankatoavy koa ireo Iles Eparses.

Fanomezantsoa Randriamahazo : zay kou mangataka, ataovy faritra I Tsiaidana Ampasanimalo fa maro olona.

Nala's Bijou : Fanomezantsoa Randriamahazo : Itaosy Unis no tena tokony ataony faritra iray.

Fanomezantsoa Randriamahazo : Nala's Bijou : ataovy ny fangatahana, hihiiiii !

Nala's Bijou : Fanomezantsoa Randriamahazo : mino za fa efa ho ao antsain-dRajoelina zay.

Lala Andriamasinoro : Ambohipo koa ka, mila ataoi faritra iray. Fanomezantsoa Randriamahazo : maty antoka nama lay 22 regions tany @CEPE-ako.

Iraka Amby Yno : mbola mitoetra foana ilay hoe: Zarazarao an-jakana.

Njaka Andrianampoina : iny eo ihany fa voaporofeo mazava izao fa mbola ny frantsay no mitondra an'i Madagasikara satria mpisolelaka daholo ny mpitondra ao ambony ao dia te hahazo dera avy @ vazaha.

Iraka Amby Yno : misy mpandrahahaha tokana ihany koa mifehy ny mpitondra satria tsy ampy vola @ propagande, izay no mahatonga ny vanille sy letchi midina be ny vidiny, io olona io no mifehy ny port ao Toamasina.

TONONKALO

Ny fananganan-tsaina

Matoa misy maro ireo manangan-tsaina,
Dia misy ireo hevitra tiany hampitaina,
Satria efa ambara sy tena idedahana
Fa tena misy ny fahalahahana.

Andaniny, misy ihany ireo noterena
Ny hanangana maitsyo sy fotsy ary mena,
Mba hoenti-maneho amin'ireo izay mitazana
Ilay hoe fitiavana ny tanindrazana.

Ankilany , iretsy tsy voarotsirotsy
Izay efa manangana ilay saina fotsy,
Satria mahatsiaro ho tsy misy mpijery
Ary tena manjonitra sy miady irery .

Tsy mana-mpitondra mba hoe iantorahana
Fa fahantrana no tena mibahana.
Antoandro, tsy manana rano antsakaina,
Hariva dia maizina mandra-maraina !

Ankoatran'ireo , misy ny efa mitrena
Ka mandrangaranga an'ilay saina mena,
Fa efa mitetika ny hanasazy
Ireo efa lazainy ho « tsy mahavita azy » !

... Ka tena mba mila mandinika ihany
Ireo antokon'olona izay iantefany,
Fa manana heviny maro izy ireny,
Indrindra ho an'ireo izay tsy avela hiteny !